


فوازير فلاحية

شعر

بسرکہ العزب



الغلاف والرسوم الداخلية
للفنان : مجدى أبو سحلى

فوازير فلاحية

منهم ولهم ..
الفلاحون في بلادى . .
هم واضعوها . .
وهم وحدهم . . القادرون على حلها

يسرى العزب


٧١/١/٣١



مشهد الافتتاح لحفلة سامر في الأرياف

- لو نحاول ألف مرة . .
- ألف مرة لو نحاول
- نجمع في ليلة الألف ليلة
- مش ها نقدر . .
- لو قدرنا . .
- نعمل الأردب كيلة
- مش هانقدر
- نجمع في ليلة الألف ليلة . .

* * *



— لو نفی عن التعالب
— مش هانقدر یارفاقة
— نحكى عن تعلب وفات .
— دى التعالب فى الزمان ده

- عمرها ما تفوت . .
- التغالب عايشة دائما . .
- عايشة تلدع فى البيوت

* * *

- لو نحاول يارفاقة
- نحكى عن كل الحكاوى فى بلدنا
- سهرة واحدة مش كفاية
- دى الحكاية الواحدة محتاج ألف ليلة
- والحكاوى عن بلدنا ألف كيلة

* * *

- الدبه..ياصحبه .. وقعت فى البير
- وصاحبها . . راجل خنزير
- طب وقعت ليه ؟
- أصل السبب . . ياللعجب . .
- ... مجهول ..
- لا يارفاقة السبب معروف
- بس اللى عارفينه الخير
- والحمار دائما مبلم
- يبقى السبب مجهول ؟

— مع إن فيه في البلد دي ناس كبار ..
يمكن يكون السبب عندهم ..
.. جنين منشال ..
.. في بطنهم ..
.. مقتول ..

ومرى جتة حزن فوق قلبهم
— لا بقهم يقدر يقول ..
— ولا عقلهم ..
فكر يحل المشكلة ..
— أصل الحكاوى متلتة ..
— حتى الشباب . صبحوا كما العواجين .
أشكال على ألوان ..
— لكن براويز ..

واحد منا :

يا فرقة التمثيل ..
يا فرقة التضميل ..
هى الحكاية إيه ؟؟
— أيوه صحيح
هى الحكاية إيه ؟؟

— كل اللى هاتقدر عليه . .
.. هانلف وندور وتمرجح كان
.. تمام كما القرد والبهلوان ..
.. هاتشوفوا منا العجب ..
— حاجات تضحك ..

— تبكى . .
— تشعل لهب ..
— فيه ناس هاتفطس ضحك
— وناس تموت م الغضب
— بس المهم ..
— المهم لمتنا نعمل الواجب وبس
— البهلوان يحى لنا ليلة الأنا
يا فرقة التمثيل . .
— ياللا ابدؤا التمثيل ..
— واحيوا لنا ليلة الأنا ..

— الكل يسكت .. هس
— الكل يسكت .. هس

مقاطع غير متناسقة


هامش :

- • مجروح أيا قلبي
- مجروح بنقطر دم
- إنطق وقول يا قلم
- يمكن يفيد القول •

المقطع الأخير :

فوق ظهر كل المصلوبين

يا قلبي ، عدى ،



على قلب جيل الشقيانين
يا روحى ، عدى ،
على بحر صهد العرقانين
لأفرد قلوعك يا أسد
واغسل همومك يا جبان
واوعاك تهدى .

المقطع الثانى :


يا مهر عنتر يا متعافى ..
وقف عشان أركب ..
نفسى أبوس عيله
رخرخ ودانه الفرس ..
وقال لى كبتين ما فيه مش طعم الخرس
يحرم على مثلك ركوب الخيل ..

المقطع الأول :

بعنهم دول شفت المسيح ..
من بعد ما صلبوه ..
شق الصليب نصين ..
جفف خلاص دمه ..

بجيمى

ماشى ولا همه ..
ماشى على الاشواك يا وحدانى ..
لم جات معاه أمه
ولا حد شال همه
ولا حتى كلة حب بتضمه
ما لهم فاتوك يا نبي في الصحرا وحدانى
وحدانى زيك بحار الغربة وحدانى
يا هل ترى يقدر يعيش المسيح ..
في قلب عالم صفيح .. ؟ ؟
يا هل ترى يقدر يعدى بحر الكفناال ؟ ؟
رد المسيح ..
أقدر .



شارع الهرم



— ١ —

الساعة . .
سته صباحا . .
في ميدان الجزيرة . .

شفت العربية الصفرا ..

واقفة ..

تتعبي عساكر ..

كانت واخذه مييت امبارح

البرد مخشب أصحابي العسكر ..

شايف بينهم أخويكلا ..

الدفعه محمد أبو حجازي ..

أحمر .. زى الصلصة وطالع ..

مزورور في السترة الصفرة وطالع

لجبال الرعب ... وطالع ..

أنده له .. ماهش سامع ..

اسمعني يا صاحبي .. ماهش سامع ..

خد بالك من روحك يا محمد ..

ماهش سامع .. يضحك لي ..

يتعبي ويا صاحبه في غلبة سلون ..

رايحه الحرب .

* * *

تجرى العربية الصفرا ف نفي ..

تهرب منى . .

وتسببى . .

وتسببى لوحدى

— ٢ —

بعد الميدان ..

خطيت برجلي خطوتين ..

عند النفق ..

شفتها ..

كأنت حبيبتي الصبح ..

شفتها ..

ساعة الغروب ..

راكبة لبوة ، سايقها كلب ! !

يا نخلة مقطوعة الجذور ..

كنتى عازانى أبقي زيه ! !

أبقى كلب ...

يا أرض عيشى العمر بور

مالكش أب ..

يحرم على أم الخير بلدنا ..
تدى الى زيك بزها ..
لا أتى حبيبتى ، ولا ...
بنى هاتبقى أمها

— ٣ —

في نهاية الشارع ..
الساعة انتاشر بالليل ..
حسيت وأنا ماشى ..
الدنيا ف عز الحر بتنظر
حسيت وأنا ماشى ..
رجليا بتغوص فى الدم ..
والعرييات المجنونة
العرييات المجنونة بتنشس لحم الأطفال
.....
ع التلتوار ..
.. اللحم البشرى بياكل بعضه ..
تحت الأشجار
ع التلتوار التانى ..

عيل مشلول ..
يقول ..
لله .. للشارع
ووراه ..
رقاصة بتبني ف جامع !!
.....

وأنا
زى الأهبل ..
باجرى ..
فى صوابى عقب سجارة ..
جايه من واحد جنبى ..
وف إيدى الثانية ..
عود كبريت ..
مش عايز يولع ا

— ٤ —

شايف يا بنى الهرم الأكبر ده ؟
دى تربة جدك خوفو ..
تربة جدك خوفو لوحده !!
شغل شعبه سنين ..
عشرين فى بنايته ..

صوم

- لو كان يعرف جدك فائدة هرمه ..
- في القرن الواحد والعشرين ..
- كان ..
- كان شغل شعبه ..
- في بناءة صحرا جديدة !!

- ٦ -


- صاحبي هناك ..
- ييحارب ..
- في جبال الرعب ..
- وأنا ..
- وأنا ف بطن الشارع ..
- باتمرغ ..
- ع الأسفلت .. و ..
- ضايح ..
- بجاء ضحك على نفسي !
- بجاء تفرج ..
- ع الناس !!

باصطاك

أربع غناوى للقمر ١١

- ١ -

القمر ..
لن نخ بيرخ المطر
حلميه يروى البور
يروها تولد نور
وتخضر ضل بخلى الذهب الأبيض خير
يملا حجار الصبيان فى جران الفقر
يتمدّم الصفصاف وينام على نخذ القهر ١١



صاحبى القمر شافنى
صعب عليه حالى
حسس على قلبى
بقلبه اللولى
شدت أنا حيلى !

مد كفوف الحنية على ضهرى المعنى ، صجبت
مدت راسى المرمية فوق صدرى لفوق
خشت شموسه الحريه ف عبي ، اتكلمت
شعشت بجبى على ناصية يشكوك وغنيت
بعترت سنابل قمح كلامى فى سكتكوك
مدت راسى شويه كان وشواها الحر
ومديتها كان

رغم الصهد اتكلمت وغنيت
قالوا الخلق : الواد ده اتجن
بس القوله ما هز تنيش
قالوا

لفوا الحارة ، وداروا ورايك ولفوا وقالوا :

— يا ابو الريش إن شاققه تميش

كان القصد انشالله تموت
بس القوله ما هز تنيش
واتكلمت وقلت كثير
قلت : هاعيش
واتحملت يا خلق كثير
اتحملت هدمى الخيش
تعرفوا ليه ١٩
مجنون زى ف آخر الحارة
بيزفوه بالمندار على ضهر حمارة
كان يقول من قلبه : تعيش !

— ٢ —

عِينِي

وحياة حبيبتك يا قر ..
وحياة عنفها الواسعة والبسمة الوديعه
وحياة لقاكوك الليل بطوله والسهر ..
والقعدة فوق ضهر الشجر ..
ما تخافش منى يا قر
ما تختشيش ...
دانا الى جلدة قلبى خوف
والا انت ناسى يا قر ؟

أبعت ضياك ع القلب وامسح عتمته

وأبعت لمحبوبتي الهنا

فرح قلوبنا يا قر

فرح قلوبنا بالغنا

وارقص لنا

واوعى الغناوى تكون حزينه

بكفايانا

يوه ١١ يوه ياقر ١٠٠

... ما تنسنيش

عايز أقول لك كلمتين

يعنى كان قصدى أقول :

لما تظهر يا حبيبنا يا قر

بعد طول الغيبه أم شعور طوال

قبل ما تودع هنا

لازم تصور أرضنا

رح تعجبك

والفنانين عندك حقيق فنانين

مش كده ؟

هاتفون

حيث كده . .
صور بلدنا يا قر
هاتشوف صور ا ا
.....

— ٣ —

يا قر . . يا حينا
يا قر . . يا ربنا
ضنيت علينا بالمحبة يا بخيل
كشرت فينا ياللى كشت زمان حنين
يا بوش بيرش الألم . .
يا أبو مخ يبطخ الرصاص . .
يا عيونك البحرين غيوم
لمتى هاتظهر يا قر ؟
لمتى هانشم النفسيم ؟
لمتى العليل هايطيب فى ضيك يا طيب ؟
لا . . لا يا حبايب مش كده . .
ماهش كده يا فلاحين . .
يا عاشقين ضى القمر
لوعوا الغنا . .

هاتفون
هاتفون
هاتفون

أصل الغناوى يافلاحين بتجرّحه
عمر الغنا لو كان بحور، ما يفرّحه
عمر الغنا لو كان غيطان ما يتم مهرة
قال لى القمر أيام ما كان صاحبي:
لن الغناوى يافلاحين بتزيد فى قهره
شوفوا ١١٠٠٠

بصوا ١١٠٠٠٠

بصوا فوق شوفوا القمر ١١
آه يا عيني بس شوفكم مش تمام
حنوا الإدين بالدماء مش بالكلام
سدوا شقوقها بالعرق
وامشوا سوا لقدام
وامسحوا الغيمة اللى فعيون القمر
واعصروه ١١

اعصروا وشه الحجر ..
تشربوا منه الثبيت ..
اعصروا وش القمر ..
الفرح يتجوز بناتكم ..
والنور يخش ف كل بيت ١١

اللايدى

فى

إن جيتوا بحر العواصف
أو ضلت مراكم في بحر السلام
لا تجودوا المزامير
ولا تقروا انجيلكم
ما تهزئيش الحكم
ولا يروى على فرات الكلام
دانا أرضى لجل البنين
لم .. يلين السنام ..
أولادى ...
يشدوا من صدرى خيوط الفجر
يرضعوا لبن الصبا
ينقلوا جبل السنين
مليون سنة لقدام
يكبروا ف حبرى
روسهم تطول
تدخل فى سابع سما
يفزلوا الأفلاك
يلبسوا توب النجوم
ينزلوا ..

للأجل
البنين

وتمدوا رجليهم في بطن سابع أرض
تجبل في أول يوم
تولد في تاني شهر
تملا بحور القمر غواصين
سامعين ١١ ٩٩
سامعين يا أهل الأرض ١١ ٩٩
احفضوا... يا إلى غاوين الكلام
إن جيتوا بحر العواصف
أوضلت مراكم في بحر السلام
لا تجودوا المزامير
ولا تقروا لإنجيلكم
ما تهزئش الحكم
ولا يروى غلى فرات الكلام

يا إلى



قصائد ورق مصرية


باقية على مر العصور

جدى مات

ورقة صفراء .. سدت
لمدة طويلة ثقباً في
جدار جامع في ديمشلت

جدى ..

لف الأرض سبع مرات
خضر جنة ف أرض موات



عدى البحر .. وشق الصخر ..
.. ولم القرش على القرش ..
.. وبني عمارات .

صلى ، وزكى ، وحج ، وصام
خللى لعلته ف وسط الخلق . مقام
لكن جدى .. مقالش لابيكل
سر الحكمة .. ولا قالش
سر الحكمة .. و .. سابنا ومات !!
زى ما صحى الخلق يصلوا وتام
سابنا ومات !

مقالش لابي
ولا قالش

كتبها بدمعها الأخضر ..
على ورقة بردى مازالت تنمو
وتترعرع .. على ضفاف النيل

غنة ايزيس

لانت فين يا حبيبي يا روح ايزيس ؟
لانت فين يا أوزوريس ؟
في السما .. في الأرض ؟ يا معبود ..
موجود .. في كل مكان
بس مش لفيك
ارجع لمحبوبتك ايزيس

راقيلا

لملم دموعها من الوادى الكبير
خضر البسمة على الشفة الحزينة عليك
علم حوريس يا ابو الأمير
علم حوريس

إزاي يحارب فى الضباية ..

إزاي يطيب جرح .

إزاي ينور للغلاية .

إزاي يعلى فى طيبة ..

ضى الشمعدان الصبح ؟

إدبيله حكمة رع

وارجع

ارجع يا معبودى العظيم

واما تأدى مهمتك . ارجع

واما تسافر بالمحجوب ..

(لما تسافر خدنى معاك)

إدى لم حكمة رع

أهلا وسهلا . مرحبا ..
يا عمرو يا ابن العاص
يا رسول الحق من أرض الخلاص
هنشق وياك الغيوم
ونطير على أهيك للنجوم
قلوبنا .. لدينك يا جندي غرام
إلهك .. باريها
نبيك .. نبينا
ودينك .. هي فضل يا جندي هاديها
مادمننا .. هنوصل لبر السلام ا

مايدري

اثبت وجودك يا جودو

قصيدة : مودرن جدا ..
كتبها باهيو غليفية مثقف
مصرى جاهل ثم اكتشفها
جاهل مصرى مثقف ..
فترجمها للعامية ...

يا عم جودو ..

يا حج جودو ..

لو سيادتك كنت موجوداً يام بكيت ..

كنت من يومها جيت

.

.

.

.

انت ايه .. يا عم جودو ؟

انت مين .. يا حج جودو ؟

انت فين .. يا أسطى جودو ؟

انت ميت والا عايش يامى جودو ؟

يمكن نجينا في يوم يا عم جودو
 ذي زرع شيطاني نبت في الخراب
 بس لاقى اللي يراعيه
 كون كده واحنا نواليك
 كون كده واحنا نراعيك
 بس قرب طلعتك يا عم جودو
 خفف مرارة الانتظار ا
 اقتل يا جودو الانتحار ا
 يومها .. هل نطلع لسانا للدمار
 جودو ياناس أثبت وجوده
 عاش ويحيا ..
 يحيا جودو ا

هتطلع

وشم المعارك . . .

كلمات محفورة . . على
صدر جندي مصرى .
ضبط شهيدا فى معركة
هكسوسية .

أخناتون !

يا شمس فى معبد آتون

يا شمعان ليل الحيارى ف منف

يا للى جففت فى عيوننا الدموع

يا للى جففت فى قلوبنا الدموع

يا أبانا فى السماء !

ليه انطفيت . .


قبل ماتقيد كل الشموع ؟

يا أخناتون !

يا أبانا فى السماء

امتى الرجوع ؟ !

امتى الرجوع ؟ !




كلام .. عشان المهاجرين

إلى صاحبي . وصاحبهم ... المناضل
في مكان ما بعمق أرضنا المحتلة ...
ا. ف. ن

- ١ -

على فكرة ..
أنا مش هاخطب فيكم
دانا هاخطب منكم
وعروستي الحلوة ..
.. منجاية من جنانكم
تفاحة آدم منكم
ورقة توت حواكم
رح أشيلها في نني
وهاعدى معاها كتالكم



وازرع وياحييتي الغالية
في الصفة الثانية
رجالاً حديد ١

- ٢ -

لما اتعلمت ..
علمت أبوك يملك الخط
سافر مره البندر ..
شاف الشارع ..
مدهون أحمر ، وأخضر
شاف الميدان الواسع ..
مرصوف ..
.

أسفلته .. ميت إعلان ..
عن واحد ..
سايب أهله .. وقاعد
فوق الشجرة ..
قام والدى راجع ..
طالع ..

أبوك

فوق شجرة توتنا العاليه .

فات شهرين ..

.. وصاحبنا .. لسه .. ما نزلش

فات سنتين ..

.. وصاحبنا لسه .. ما رجعش

.

لكن اللي أنا وائق منه

أنه ..

زى كلام الجرائين « صامد »

عمره ما يموت

يا أبأ ..

لما تسيننا بنبقى غلابه

وأما نجينا بنبقى غلابه

أحسن لك .. يا أبأ ..

خليك فوق الشجرة ..

دكتر يا أبأ التوت ..

.

خليه .. دينامليت

ولإن حببت تنزل يا أبأ

أوعى ..
إلا ..
لما تهز التوت !!

- ٣ -

طب فأكره يأمه الدانه ؟
دانا ..
لما شفت أخوكلا محمد
عود الزان اللي كان يسندنا
.. ف ليل القهر ..
كنت مع محمد ع البحر
ماشين في السمعة نص عصاري
شفت الدانه في كفيه ..
بتحش العود الأخضر .. نصين
يومها . يأمه أنا مت ..
مت ...
وما أعرفش لراي أنا جيت ..
.. للدنيا

أفوى

عيني

تانی ..

ما أعرفش ليه شدوني ؟!

من حضن بلدنا ومحمد

ومحمد ..

أوعى يالمه تبكى عليه ..

دانا كبرت ..

قدما هزتنى الصدمه' ..

يالمه ، كبرت ..

قد الغربه' ..

يالمه ، كبرت ..

واتعلمت .. ألعب بالنار

واتعلمت النار

لا يدري

والدبح اتعلمته على إدين الحرب

اتعلمته ..

وأنا مش جزار ..

لكنى اتعلمت اللدبح !

واتعلمت كان

اتعلمت اتعلمت يا أمى ..

أفوى

أرسم صورة أخويك بدى

* * *

الحداية ..

الحداية العورة هناك
نايمه' جوه' عشوشنا
جوه' وشوشنا ..
نايمه' تمص ف خيرنا
بعثت جوزها د الفانتوم ،
ينش طيرنا ،
يا كل لحم صغارنا ..
ف راس البر ..

خايب ظنك يا حداية
دى عصافيرنا ف راس البر بقت رجاله
دى عصافيرنا ف راس البر ماهش سمان
طالوا .. ومدوا ..
وطالوا .. ومدوا ..
ف كل مكان ..
مدوا أيديهم يا حداية
قصت ريشك يا حداية

البرهم

شدى شعورك يا حدايه ..
شدى العين الثانيه . كان
د يا حدايه ..
يا أم لوايه ..
جوزك مات
فى دمياط ..
زغرطوله .. يا بنات اا ،

— ٥ —

بقرة حاحا ، النطاحه ..
بقوتك يا صاحب القدرة
يا حبيينا ..
شدوها كلاب الغدر ..
خطوها فوق شجراية سنط عجوزة ..

• • • • •

بقرة حاحا اللي كانت تحلب ..
.. جوز أرادب .
وتزوى أرضك حب
طلعت فوق شجراية سنط عجوزة ..

سنط

من يوم ما مشيت .
من يوم ما مشيت ..
من يوم البقرة ما طلعت ..
وانت مشيت ..
واحننا بنجری ..
بنلف الأرض .. مع اخواتي ..
وبندور في الغيط ..
شايلين فوسنا في قلوبنا وبتنادی
.. بعزم الحس .. ننادی :

— يا طالع الشجرة
هاتلي معاك بقرة
تحلب وتسقيني ..
لا الطالع الشجرة
يبيع لنا البقرة
ولا حتى كيلو حليب !!

— أدوح، يا أدوح ..
ابن العرب مجروح ..
وأمه وراه بتنوح ..
— بتقول : يا ولدي ...
لسه كثير هلتغيب ؟ ؟

هاتلي

هتغيب

يَقُولُوا يَا أَدُوْح . .
بَكْرَةٌ تَرُدُّ الرُّوحَ
رَاجِعٌ لَنَا بَكْرَةٌ
جَائِبٌ لَنَا الْبَقْرَةُ
تَحْلُبُ وَتَسْقِينَا . .
وَفِي قَلْبِكَ الْقَدْرَةُ
أَمْتِي يَا صَاحِبِي تَجِينَا ؟
لَسَهُ كَثِيرٌ هَاتِفِينَ ؟
.




اسبوع من دفتر
يوميات مقتول
قبره بينزدم ...

استنوا على شوية
يا ملايكة قبري
أدوني سجارة الاول
وهلأقول الحق ..

صاقل

* * *



أول يوم ...

ماشي بلا غاية
سواح بلا ترجمان
ضايح في دنياي
نفس في قطرة حنان
وجابتني حراية
وسابتني ع الرصفان
رصفاني قلاية
بتشوي روحى شى لا
واللفة خناقة ..
اللفة خناقة
واكني كنت جبان
وخفت يومها لاموت
قطعتها .. وجريت
ومشيت .. على قلبي
ومشيت .. على راسي
ومشيت كده بلبوص
عريان على دري
مش لاقى لفة كبيرة
تلم لحي الحى

واذا بى يا مجنون يا عظمى

تطلب هدموم للموت

سبب الهبل واتلم

مش قبلما لما نموت

يو .. و .. ه ..

فيه ألف جمعية

وألف فاعل خير

هليحاسبوا فيك الخافوتى

زحزح يا واد الهم

وقول يا باسط ياعم

تانى يوم

وكنا واحنا صغار

إن تطلع القمره

عليك ياديمشك

بنغنى غنيوة :

يا باز يا اشهب .. يا باز يا اشهب

يا لخطوه واسعة وقادرة

خلى بلدنا قره ..

يا لعممة الحرير خضره
خلى بلدنا سجرة
يا لرحمة من عند الكهيم
حل البراق العظيم
لجئنا وكنا نقول :
وكنا بنغنى
إن تطلع القمرة
وكنا بنعيط
إن غابت القمرة
ونخاف من العفاريت
ونخاف من ام قويق
ونخاف من الوطاويط
ونخاف من الغربان
ونخاف من واحنا صغار
بنحب ابو قردان
ونحن للبندر

تالت يوم

ما اعرفش ليه فى المدينه
رغم اتساع الشوارع
والزحمه ع الرصفان
الميت لوحده ماشى
طالع لحد القرافه
ميت فى بقه كلبه
معناها مش طالع
وا كنى من عيلته
شايلى طاجن سته
ميت كان .. من زمان
.. فهمنى معناها :
يا زحمه الرصفان
ويا اتساع الشوارع !!
عايز يهد القرافه !
يقدر يهد القرافه !

* * *

رابع يوم

فينك يا باز يا اشهب
فينك يا جدى النهارده
حل البراق العظيم
آن لى معاد الركوب
لاعدى بحر العرب
وانزل فى أرض النبي
لجلن ما أشوف الاحباب
وادينى مقلعك
لاقتل غراب الدين
واعمل بدمه حجاب
لاشيله فوق صدرى
وازور بلاد الله
وادور على فرسك
وف إيدى سيف الله
بتار كما خالد
مسلول على الأغراب
جبار ، كما عنتر
عدى ومعاه الأدم

راكب براق المحبة
عدى ، عشان كان له قلب
يا اشهب يا باز ، يا اشهب يا باز
قلبي ماعدش ازاز
حل البراق يا باز
قلبي بقى له قلوب
حل البراق العظيم
آن لى ميعاد الركوب

* * *

خامس يوم

إفرح أيا عليك بقى لك قيمه
وآديك ايه قاعد فى قلب السجا
لكن وعهد الله الفرحه دى ساعتين
وتعود لك العاده القديمه
والغربه ما بين العباد .. يا ..

..... !

* * *

سادس يوم

طوبى آهه أخضر

وطینى لسه فی

ولمى لسه جدید

وعضی لسه حدید

ومسطرینی .. اہم ..

لکن رغم الدم ..

شاعر بآنى حى .

.....

ولسه رح ابی اودى

ولسه ها ازرع جنینى

ولسه ها احضن عروستى

ولسه ها اکتب کتابى

ولسه ، ولسه ، لکن

لازم .. تساعدونى

* * *

آخر أيام الأسبوع

أحناف سابع أيام الموت

يعنى النهارده راحه

من حقى يعنى الأجازة

أجازه يوم م الحساب

ها اخرج أشم الهوا

ها اطلع وزى ماجيت

ها اخرج ومن غير جنازة

.....

هاهد كل القرافه

هاهد كل القرافه

.....

وبا اتساع الشوارع


يا زحمة الأكفان

يا زحمة الرصفان

ها عيش هناك ..

فى النيران

ويا قبرى بعد النهارده
للموت ، مانيش راجع !
للموت ، مانيش راجع !
للموت ، مانيش راجع !



العسل المر

وناطور الغاغة ..

.. يدور !

يحرس بتارين الصاغة

.. يدور !



وناطور الغاغة يدور
دايرن مايدور
يحرس بتارين الصاغة يدور
يحرسنا كان ..

دبان ..

عريان

واقفين

لافين

جنب العمدان

بنشم النور

وناطور الغاغة يدور

دايرن مايدور

يلف م القرشين ، قرشين ! !

وف سوق العصر نبيع

بنبيع الفساتين العريانه

بنبيع الألوان الزاغة ونزعق

في قلوب الصخر ..

بنبيع المودة لمون

ولوننا نشف م العصر

نستقي صحنون العسل المر البايته تمر
والعسل المر إن مر على لسان الليله ..
.. يحملها بقرشين
وناطور الغاغه يدور ..
دايرن مايدور
يلف م القرشين ، قرشين
وانا واتم ياحلويين
يبقى لنا الليل الصبار
تندغ بطنه المنفوخ الدبلان
بامنانا
وبطوننا
وبطوننا تمص عكار النيل
ونعدى الليل
على مركب نار
في بحار المر !
ولا مركب مروخدنا لبر أمان
ولا أب ورب ليتنا ولا حيطان
ولا شجرة حب تضللنا ولا عرسان

بامنانا

والعرسان .. ببيان مقفوله بترايس

وعروسة المولد هجت المولد .. علشان

مش لاقية عريس

في المولد .. وف غير المولد

نعرف كل سبوعة الليل

شبات ، وخنافس ..

ودياهه / وشفدع وحاجات ..

ولا واحد منهم طير مره حمامه

في سكتتنا تظمننا ...

ولا حد ادانا سلاحه نصطاد به يمامه

تعشيننا ...

مش أكثر يا نجوم الليل م العسل المر

وف سوق العصر نبيع الفساتين

ونبيع الألوان الزاغة ونزق

ونبيع الموده لمون

ولموفنا نشف م العصر


يباع العسل المر

إن مر يبيع الكيلو بقرشين

وناطور الغاغه يدور ...

دايرن مايدور ...

يلهف م القرشين ، قرشين ا



1875


1876

1877

1878

1879

فوازير فلاحية



شبيك لييك
اطلب تلقى الطلبات في أدبك
شبيك لييك
آخر فرصة والموسم مش مضمون

الحق والهف لك في المولد حاجتين
شبيك لبيك ..
العز آهو جالك - الحق - فندق ..
.. كل الشبايك

شبيك لبيك .. ياسلام
ياسلام سلم على كل مغنواتية هذا المولد
سلم برسيم الموسم للجمعية
سلم كل الحريفة نصيبهم
خليلى شوية

.
.

* * *

في الغاره ...
الساقية الدواره
بتقرص بطن بنات الحارة تحبلهم
.
ما هو أصل الساقية الدواره بتنزف كرات
حراق كراتها
حراقة يا بصلة جدى ياناشفه
حراقة يانظرة سقى ياخايفه

غراقه ياترعه غيطنا يا أم الميه الواقفه
غراقه ياترعه غويطة ف قعرك قهر
غراقه يا امه ياشايفه بناتك حبلين
لكن عايزين الطلق . . .
لديهم يا امه الصبر وشدى
واشتدى يابصلة جدى ..

.. وزيدى النار
حراقه ف شديدة سقى الخايفه
حراقه ف ترعة غيطنا الناشفه
اشتدى يابنت بلدنا يا حبلى يا خايفه
.. وقولى الحق ...

آهو جانا الطلق
آهو جانا الطلق !!

انفضل يا بنى معانا اتفضل
مرحب بك أهلا يا بنى اتفضل
كاشش من إيه يالفندى
دى بلدنا زارها النور
معلوم الضلّة كتير ..
لكن سيادتك جيت النور

معلوم الفقر كثير ..

لكن سيادتك فيك الخير

أنا فلاح ...

...مش قدم مقامك طبعاً.. لسكنى قد كلامي

اتفضل يعني اتفضل

بالراحه هنا كل ويا نا .. وتشرب شاى

بالعافيه هنا كل ويا نا الوحتى هنا كل حاف

اتفضل يا ابني معانا واوعى تخاف

يا لفندي الجاى من مصر من فلفط يا محفلفط

لازم تشاركنا العيش الحاف

والملمح .. والمساء الجاف ..

* * *

وبنعرف أفلام السينا

وبنعرف فى كلام الراديو

وأولادنا بيقرأوا لنا الجرنان ..

وبنعرف نترص ف طواير البهرسيا

وبنعرف نترص ف طواير الجمعيات

وبنعرف نترص ف طواير السلفيات

وبنعرف نترص ف طواير الانتخابات

وبنعرف نهتف ونسقف للبهوات

أجدع منكم يا أهل البندر في التسقيف
وتقولوا : ثقافه ،

فلتحيا أهل الريف
فلتحيا أهل الريف !!

* * *

بالليل ..

بالليل ..

.. تتسلطن بعد شقاننا وقبل النوم
ونقول روايات عن غلب اليوم
على فكره .. رواياتنا تنفع في سيااتكوا
ونقول فوازير

فوازيرنا ..

أجدع من فوازير الشرق الأوسط
فوازيرنا ..

يسمعا الآخرس ينطق ..

يسمعا الأطرش يسمع

اسمع ...

— شيخ الأوقاف

زارنا ف يوم قام شاف


فزورة بتجرى ف قلب العمه

خاف !!

شيخ الاوقاف
جبتاه بالعافيه عشان يبنى لنا الجامع
قام هد الزاويه عشان فزورة ..

يضحك صاحبي الفلاح
اضحك بمرارة وأكش
.. أكش ..

صاحبي الفلاح
يياخذني ف حجره يديني
ويغطيني
ويطبطب علي شعري بايده المشقوقة بحنية
.. أصل لافندي لا مؤاخذه
أصل لافندي ..
خواف ١١ ،



مراجيح العيد

مرجيحة يوم العيد الجاي
لازى بقية المراجيح
ولا حتى عشان الأطفال !!



مرجيحة يوم العيد الجاي ..
معموله لمين .. يا اولاد ؟
معموله لمين ؟
معمولة لأدهم أيامه ..
للسبع يمرجح جسمه الفاير فوقها ..
.. يشيله الريح .. ويحطه الريح
زينة شبانك يامصر
يتمرجح فوق مشقة الترك !

* * *

مقفول يا أوسع شباك
مقفول يا أضيق شباك
متفندق يادى الباب الواسع
عريان يادى الشارع ..
عريان .. فى هبوب الريح المسعوره
عريان يا جسم « طومان »
عريانه « يانور كدى » يا كبدى
ما الجدر انهار
واهو لسه صغار
عريانة « ياشهد الدار »

عريانة يا مصر
ماهو زينة فرسانك .. عرسانك
يبرجج جسمه المقتول في العيد ..
.. على جبل الترك

* * *

يومها ..
العصر أطول من ديل الليل
يومها ..
عصر الممالك الاسود طال ..
والظلم يا مصر يا حلوه كان
ييمص حليبك ..
وحبيبك ..
كان فين يومها ..
وحبيبك ..
كان يقطع روحه فدى عنيكى
ماهو أصل عنيكى يا عروسة يا حلوة
كانت مليانه دموع ...
ماهو أصل عنيكى ..
كان الظلم قافلها

والظلمة أسود من ليل الإتاوات . .
وخليفتك ..
عيل ..
بيهل ..
قدام الأوليا ...

والأوليا
كانوا يومينها ولايا
كانوا بيتدار واجره الملايات
ويقولوا يارب
والراجل منهم كان يرقع
من خلف البرقع
بالصوت ..

نبوت المملوك الحامى
سم ييجرى فى قناية ضهره الغلبان
كل ضهور ناسك
كانت غلبانه يامصر ا ا

. . .

ملعونة الامارات
ملعونة الإتاوات

ملعوننة قصور السلاطين فى القلعة
ملعوننة ياقلعة طول البنية ماقلعه
التوب الاخضر قدام النبوت
ملعوننه يا كل النياشين المملوكه
ملعون يا طومان ..

إن جيت سلطان
لكن مملوك

يا كل جواعى كفور البر أنا منكم
يا كل عرايا الجلد فى مصر أنا منكم
يا جيل القهر ..

ورايا يارجاله مصر ..

.. نهد جبال القهر ..

وجبال القهر كتير

اكثر م الهم اللابد خفافيش

بتمص النور فى عيونكم

ممالك ..

وجوارى ..

وروم ..

وسموم ..

ومظالم ..

و(سليم) ..

و(سليم خان العثماني) خان
طمعان فيكي يا تمر الجنة ..
طمعان فيكي يا مصر يا جنه
يا خالق البر المصري أنا جيت
يا خالق البر المصري أنا جيت
لن كان الكفر يصحىكم م النوم
- أنا كافر -
لن كان الكفر يصحىكم م النوم
- أنا كافر -
...

قاموا النايمين م النوم
لكن من هذا اليوم
وانت يا مصر يا صاحيه
بتعدى ..
بتعدى على جسم السبع المتعلق
.. ع الباب !!

سير ياليزم



المنظر ده

آخر لوحة سير ياليزم
آخر تفانين اللا معقول

اسمع يا ابني
أحسن لك
تخرج من هذا الجب
تطفش م الحرب هنا .. وتهاجر
بس اوعى تغادر مصر
هاجر على أول موجه حرتودي البرالشرق
وهناك ..

رح تعرف مين هو عدوك بالضبط
والهدف اللي انت رايع له واحد بس
— ان عشت النصر !
— وان مت النصر !

وا كنى هنا ف آخر اللوحة
تحت الدبوس ال مش باين في القاعدة
أ كنى هنا ..
بيقولوا من غير تفكير أكبر بكاش
وا كنى هنا في آخر اللوحة
تحت الدبوس ال مش باين في القاعدة
بيقولوا من غير مايخوضوا معايا تجارب
بكره يبقى حرامى
وا كنى هنا .. الخلق ما تصدقش كلامى !!

— أصل الكلمة العامة الطالعة من بق غبي

لبست مليون نضارة ف بق الجهل

— شافت .. —

قالوا جميع العميان : صح

كان ظني واحد .. واحد منهم ينطق :

.. لا ..

لكن يا خسارة صحابي

— قصدي الي كانوا صحابي —

نسيوا طعم اللاء

واتلقت في الجب

ما تلتقاني واحد منهم

وقعت كل كرامتي في بير جرائم النطق

لكن ورغم أنم الصعب طلوعي من الحفرة

مش واضح إنني راح أموت مخنوق بالحسرة

دا لاني قبل ما أقع ..

متطعم جدا

متطعم جدا ضد الكوليرا ..

اسمع يا بني

لو تفضل طول العمر كده

لابس نضارة الخوف
لا تعرف داخلك من خارجك
ولا تعرف صاحبك بين الخائنين
ولا مين هم عدوينك من إخوانك
حتى إن كنت صاحب صاحب واحد بس

اسمع يا بني
أحسن لك
شوف لك حرفة يا شخص
فك زيوتك واطلع بره
غير ألوانك وارسم روحك تاني
خللى عنيك الواسعة بعرض الصورة
خللى ودانك تسمع حتى ديب النمل
واعمل راسك بأديك أكبر م العالم
أكبر من كل العالم

اسمع يا بني
أحسن لك
تخرج من هذا الجب
وتحب العيشه هناك
واحلف لك
على ضى النار هتميز بين الألوان

هاتشوف الأبيض هوه
والإسود هوه
وهانعرف ففين السكة الصح
وففين السكة الهوة
وتعدى
لكن يابنى هنا
لو تفضل طول عمرك تغطس وتقب
لو تغطس وتقب
عيتك ماشوف الضى
ح تنسى زى تميز بين الألوان
ولانعرف لايبض م الباهت حبة
.. م الباهت خالص
أوعى تصدق
نظرك ما هس شيش يش
ولا أهلك حريفة شرب حشيش
.....
أصل اللوحة آخر موجه سير ياليزم
— بتقول إيه ؟
مش فاهم حاجة
تبقى لا مؤاخذة .. — مايمش

طب حاول وانت هاتقهم
شايف ...
الاسود طافح على وش اللوحة
— طافح خالص
والاسود يقرقر لب جميع الألوان
شايف ..
الاخضر حالف ينظر دم
فتح عينك تاكل ملين
الازرق بعدما كان في البده بلون النيل
اتنيل في الآخر خالص
خد لون الهم ..
الأحمر طرطور على راس عصفور مجروح
خوفي ليطير ويسيب الجرح يصير
بؤرة تشع الموت في البقعة الصفرة
أصل الاسود — يا ولداه —
.. طافح خالص ١١

أحسن لك يابنى
تبحث عنى
أيوه هناك

تحت الدبوس المش باين في القاعدة

أيوه كده ..

هاجي معاك ونهيج؛

قصدي نهاجر

ونسافر

على أول موجة حر تودي البر الشرق

هنسدد خناجرنا ف قلب عدو الصبح

.. الواحد

وانا وانت يا صاحبي


انا وانت

عارفين ديتنا

عارفين ديتنا

عارفين ديتنا 11

ثرثرة بغل في الأبريق



- ١ -

اتم وأنا ..
ورغم الحزن متقابلين
ومهما قطر الفرة غاب
ومهما شعر الحب شاب
أتم وأنا ..
وحزننا
وفرحنا
وكلنا
واحد ! !

...

وف بطن الشمس ها أقفد
وها امص النور والنار
وف جبل العتمة اتمد
وازرع شتل الصبار
واشرب من برك يا امه
... حقوقى الضايعة
ما انت فطمتينى وانا لسه جنين
شايفانى يا غالية ازاي ..
شايفانى ازاي ...
رغم السن وطول الشارب
شارب لبن الغريبة حزين
مش باين حتى ضلوعى الخرعه
.. حتى الكلمة الطالعة
الطالعة بتخرج للعالم طين
محتاج يا امه لخصب الروح
لخنانك .. محتاجك ..
هاشرب من برك يا امه
... وغصين عنك
كل حقوقى الضايعة !!

لوعى ..

ألقى عكازى يبسندى

لوعى ..

تسييه من ايدك لتعجز يا ابى

عكازى شاب واتحنى

وضهرى زيه اتنى

إنما

يا حلم يوماتى بالصبا !!

ولو مرة هامشى فى الطرق وحدى هافع

أقع وامشى بلا عكاز

أمشى ولو محنى !!

أمشى هاتلمحنى !!

هاجى لك وأنا محنى

وتشد ضهرك على ضهرى

من ضهر ابوك أنا جيت

من ضهر ابويا جيت

وضهر ابونا فولاذ

يا أخ ..

يا عكاز !!

— ٤ —

يا عروستي يا حلوه
ما تنقلش يا بت
ما تطلعيش السما ..
دا امك عزيزه يا بت
لو فتى أهلك وفتينى وانا ولفك
لا هناك هاتبقى بنت
ولا يوم نقول « يا ست »

— ٥ —

وتخشى فى عبي عروسة
وف قلبى تدفى البوسه
ونقول للصبح كلام
وكلام ما نقالش لحد
ونقول من غير تزويق
ونغير معنى حروف الشعر
ونعد ..
ونعد بدون أرقام
ما هو ساعة الجد يا حلوه
ما هو ساعة الجد
ما فيش كلام !

* * *

— ٦ —

شرفى وعارى اتى
يا أمانة فى رقبتي
شايك وانا مرتاح
مصحف على قلبى
لو رحتى بيت النبى ..
أو يوم طلعتى النجوم
— ضلك أنا فى الأرض — ١

— ٧ —

مهما أنا لفيت
ومهما رحت وجيت
دمك فى أرضى قنايه
يروى فى البور
ولو فى يوم عديت
شرقت ما رجعتش
غربت ما رجعتش
ما أقدرش اعيش بهوايا
ما أقدرش أفلفص بابويا

وازاى ودمك فى قلبى
وازاى وروحك معايا
ولو نسيك يوم ..
دا غضب عنى البعد
ولو رجعت ف يوم
دا غضب برضه الجى !!



درا ما أيوب العصرى

رباب :

وف ربح جبالك يا عريش

نام الجريح عشر سنوات

وياريتة قام م النوم

وياريتة مات ا

اجترار :

نام الجريح ؟ .. أنا قلت نام ؟



وازاى تنام يا جريح وانت بلا خلان؟
وازاى تنام يا مبتلى بالسهر ..
والدوده داءك عمرها ما تنام؟
الدودة الى مولوده النهارده جوه لحك ..
بتوله كل ثانية جيوش
يامين يا صاحبي المبتلى زي ..
يامين يحوش ؟ !

* * *

عمال على بطال يا جيش الغدر تنهش فيه
أمانه ترؤف بيه ..
أصله من كتر البلا حبك ..
أمانه يادودة يا حبوبة تستنى
أمانه ياعيون سوده ومسدودة
.. تبعدى عنى
قلبي ماهش زلعة
ودى ماهش مش ..
قلبي يادوب فتنجان
غير الدموع ما يساعش ..

ومنه .. باشر ب ردى الاحزان
وفيه .. باشوف عيني الى شوفها طاماش
و .. و باشوفك يا عروستى فيه
وما بين حبابى عنيه
باشوف بحتى أنا الى مال ا

هامش :

الدودة ، تشرب دمه ، تحبل منه ؛
تولد ، تملأ العش
الدودة الواحدة تصور ..
تشرب دمه تشرق ، تلحق ،
.. تشق ، تملأ عضمه الهش
يتمدد فوق جسمه القش
يكبر .. يكتر ..
يصبح أكثر من أراضينا البور

موال :

آه يا كبدى يانا يا عديم الحال
الحق يا خال .. القش مد وطال ..
القش حتى الدجى
حتاك يا حلقوى

نفسى يا خالى ف نفس م الهوا المنعش
عديه يا بلعوى
عوى يا دودة بس إوعى لاموت
فلاح ولا قادر أمد الإيدعشان أزرع
عامل ولا طایل يا عين مصنع
عوى يا دودة بس إوعى لاموت
وجوه قلبى يا عروستى هابدر تقاوى القوت
وقبل ما يخضر ، احرقيه يا أحزان
هازرع مشاتل توت ، ومايممش
لو تحشه الهموم من قبل ماينور
مايمنیش يا عروستى ، مادمتى
.. هاتعوى ، وتسمحنى لى أعوم

رثاء :

صاحبى يا أكبر من جميع الصحب
قلبى يا قلبى الكبير القلب
قلبى الحزين ، عد الآن دقات
عارفها كام ؟ ما تقول
ما يعرف دق قلبى حد غيرك ..

يا طبيب كل القلوب
وليه يا صاحبي توقف الدقات ؟
واما تموت يا طبيبينا الواحد ..
مين يصحى الميتين م النوم ؟
واما تموت يا طبيبينا الواحد ..
مين يجيب شمسنا المطفية في عز النهار ؟
ومين .. يملق صمتنا الأزلى على جدار الكلام .
ومين .. يرجع لنا النسيمة ؟
ومين .. يرقص فوق شفايف قلبنا البسمة ؟
ومين .. ومين .. ومين ..
.. .. يا طبيبينا الواحد ياللى ناوى تموت ؟!

الأصل :

أيوب ياميت ومش ميت !
أيوب يا عايش لكن ميت !
صحيه يا بنت الأصل يا ناعسة
صحيه يا ناعسة فوق مرتبة صبرك
صحيه يا ناعسة واكبرى قبرك
مرجحي جرحه فوق جدائل دهب شعرك
دا أيوب يا ناعسة ومالوش غيرك ..
أيوب يا ناعسة .. أبوك .. لبنك ..

.. أخوك .. أمك .. أبو ولادك

مالوش غيرك !!

وناعسة تقول :

أيوب ، أيا محبوب ، صحصح ياروحى وفوق
وازحف على جرحك وجرحى يافرعى وفوق
واعمل ضلوعك ودمى سلمة للفوق
واطلع لفوق الجبل واسمع كلام الى فوق !
- جنبك تمام .. وف ربح جبالك ياعريش
- اسمع ..

- جنبك تمام ماء الحياة !

- قوم يا جريح من نومتك الصاحبة

- واصحى أيا تعبان من موتك الحية

- اغرف ليحملك م البحر ..

- واغسل ضلوع القهر ..

- وامسح اللحم الى يبرز الصديد ..

- واشرب يامهر الزمان وبامم الله

.. عدى وقلبك حديد


- عدى الغيطان والبور

- عدى العشش والدور

- وقبل ماتعدى يامنى عيني ..

أبريل

.. عيني الى شوفها طمشاش
— قبل ما تعدى امانة حلفتك ..
— تغسل خحك الناشف .. وتمشي
— امشي ايا محبوب على رمشي
— امشي ايا ايوب وما تخافشي
— خشي يانسمة فجر في ضلوعي
— خشي يانسمة وجففي دموعي
صحيه يابنت الاصل ياناعسة ..
دا ايوب ياناعسه ، مالوش غيرك
ايوب ابو كي ..
وابنك واخو كي ..
وايو ولادك .. مالوش غيرك !!



الصلاة

سلمت عليكو امبارح

.

وركبت ثلاث ستات

م القلعة لحد الصبح

سلمت الشارع جسمي


تسأني ليه عن اسمي ؟

الطالع ايه النوبه ؟

العلو ؟ !!

الصايح جه م النوبه ..

لا ... لسه ماجاش



جده الأكبر كان حشاش
بخته المايل زى اتصلح فجأة
وشه ابيض ف آخر الليل
ياحلاه ...

جدى الأكبر كان فلاح
شفته امبارح ..

سارح حافى لما لغيط الكفر
كان بيردد آية الكفر
آسف جداً ...

.. كان بيغنى ف آية الصبر
وشه ابيض ف آخر الليل ..
من شرب المر ! !

زى الفجر ما يرضع بز النيل
يصبح ضهر بأمر الله ! !
يا الله ..

مسمار رجلى خرق الجزمه !
يا دكتور الازمه ..
الازمه ملازمه جدى الأكبر
خنفاء ! !

قال لك : إيه
قال لك : آه
بنت الإيه
حشرت كوعها ف بزي نشع
كنت هاقع
لولا ما بنت الإيه شدتي
رحت معاها السبا
ورحت الهيلتون
وانعلت أكون دللكاه
وانعلت أدلع ، اقطع أجدع آه
آه .. آه من تاني
آه .. يامداسي
رجل الجزمه لبست راسي
جبتك مره بنص ريال
لكن بكره خلاص هارميك
وألبس غيرك ..
بنت الإيه
لولا ما بنت الإيه شدتي ..
لولا ما بنت الإيه هدتي !!

قال لك إليه

قال لك : آه

أمى ..

رغم العصر ما زالت تعصر ن القهر

رغم العصر ما زالت تشرب مر

لجل يعيش اخواتى

آه لو تيجى تشوفى الليله

— لبنك بيه

— لبنك يا امه أصبح بيه

بعد الجزمه بنمى ريال

لابس عمه بعشرة جنيه

لابس قرن خروف يشواتى

كل ده يا امه لجل اخواتى

لجلك يا أمه .. ولجل اخواتى

ها اسهر .. لما الفجر يطل

واسهر .. لما الضهر يهل ..

واسهر .. لما العصر يميل


لما المغرب يشرب قلب النيل ..

واسهر بعد أذان الليل للفجر

واركب برضه (٦٦٦)

والزق كوعى ف بز البت
والزق بزى ف كوع البت
واترك جسمى يصيغ فى الشارع
ينده لسمى شنبه الواقع
وافضل ماشى طريق مقلوقة
رايح جاى
حابر داير
رايح داير .. حابر جاى
لما اللابس توب النوبه ..
.. يرجع نوبة
يرجع نوبه مبيض وشه حليب الفجر
لما يغير توب القهر .
لما تغير توب القهر ..
لما تغير توب القهر ...

متواليات عددية



— ١ —

ونعد ..

ونعد الأيام الباردة ؛

ونعد الأيام الشديدة ..

ونعد الأيام الصعبة ؛

ونعد الحارات السد ..

.

أكثر م الأمس ومن بكره
وأكثر من قول الشعرا
وأكثر من كل العد ..

.. . . .
ونعد الأيام البيض

تعدد

على قد صواب الإيد .. تعدد .
ونعد الأيام الخضرة .. عشرة .
نتقدم خطوه نعود ، نجتز العد
حد .. اثنين .. ستة .. و ..

ويقوم السد ..

ونقضى اليوم ..

ناسيين الأمس

نتعشى ببكره ..

بكره الى ما يتسماش .. د الغد ،

— ٢ —

الواحد .. هل ؟

هل يقبل واحد منكم يا كل لحم اخواته الموتى ؟

إزاي ؟ ..
.. وازاي .. ؟
الواحدمنكو بياكل لحم أخوهالحى ..
ويشرب ميه وراه ؟
هل .. ؟
دا لأن اللحم البشرى عظيم ؟
هل ... ؟
دا لأنه سمين ؟
واجدع من لحمه لية أجدعها خروف
شوف .. وازاي ؟ ..
اللحم البشرى مالح ، منه فيه
فيه شطه وفيه كدوب
فيه المزه وفيه اللذه وفيه ..
ال .. أفيون
هل ؟ ا

— ٣ —

جوز ..
والجوز اصحابى ..
الواد ييجب البت

والبنت .. بتموت في الواد ..
الواد ييحب البنت ويحكي لي
والبنت .. بتموت في الواد ويحكي لي ..
لكن ...

العصفورة بتقضى الليل في عشوش الغير
والواد ..

لايف على غير البنت .. على بنت الغير
اسكن ..

الواد ييحب البنت ويحكي لي ..
والبنت .. بتموت في الواد ويحكي لي
وأنا ..

مش شايف حاجه

مش سامع حاجه

مش قادر أقول :

ليه ؟ أو .. لا !

— ٤ —

التعلب ..

رغم ان ف ديله سبع لفات ؛ فات
رغم انه اندب وطب عشر مرات ؛ فات

رغم انه حوان وجبان ، أهوفات
والدبة ..

وقعت في البير ..
رغم ان لبنها كثير .. وقعت
رغم ان ولادها كثير .. وقعت
.

مش لجل صاحبها كان خنزير
ولا لجل ولادها كانوا ..
دا .. لأن العجلات الحربية لأحمس ؛

صدت من كتر التفكير
خلت للتعلب فرصة يفوت
وأهوفات

رغم ان ف ديله سبع لفات
رغم ان ف ديله سبع لفات

لحظة غزل وحيدة

رأيتك ..
أتاني الدوار ..
سكرت المسا ..
سهرت النهار ..
بقيت ماشي .. صاحي .. نائم ..
نسيت كنت إليه
نسيت انا إليه
فدا کی الوجود



عداكى .. البوار ا
.
.
.
.
.
رأيتك ..
يا آخر .. أمل ..
يا أحلى الجمل فى الكتاب ..
جرئت خلف طيفك
ركبت السحاب
لحققتك .. وثقتك .. ولكن ..
لقيتكَ سراب ..
حضنت السراب ..
رجعت .. و .. كأتى بطل ..
هزم .. واتهمز !

.
.
.
.
.
- تحبى ننام
- طب الساعه دلوقت كام ؟
- ...
- حرام فى الساعه دى المنام !
- ...
- تحبى تقوم ..
- طب الساعه دلوقت كام ؟
- ...

— حرام فى الساعة دى القيام !

سينا ياروحى ..

دى لحظة وحيدة ..

ودقة فريدة ..

بترقص عليها البيوت

سينا هنا ..

يا أجمل قصيدة

نعيش أو نموت ..

دى لحظة هنا ..

للازمها السكروووووت !

المحتويات

ص	
٣	الإهداء
٥	مشهد الافتتاح لحفلة سامر في الأرياف
١١	مقاطع غير متناسقة
١٥	شارع الهرم
٢١	أربع غناوى للقمر
٢٩	قصائد ورق مصرية باقية على مر العصور
٣٧	كلام عشان المهاجرين
٤٧	أسبوع من دفتر يوميات مقتول قبره بينز دم
٥٧	العسل المر
٦٣	فوازير فلاحية
٦٩	مراجيح العيد
٧٥	سيريا ليزم
٨٣	ثرثرة بغل في الأبريق
٧٩	دراما أيوب العصري
٩٧	الصلا . . .
٩٩	متواليات عددية
١٠٩	لحظة غزل وحيدة